

viri Apostolici meritis, maximisque eo in regno exantlatis laboribus, plurimi etiam ab eo libris lingua Sinica, de rebus fidei nostræ, aliisque Europæis ac mathematicis, ibidem impressis, quos ipsi Sinenses etiamnum hodie maximi faciunt, suspiciuntque, adeo ut vix puer ibi sit, qui illius nomen, gratamque apud hanc gentem memoriam nesciat. nemus est amplum & peramœnum cum adjuncto palatio, quod fusius descriptum, delineatumque accurate & in æs incisum, videlicet apud R. P. Nicolaum Trigautium, ad finem Expeditionis Christianæ apud Sinas. illuc apponere nolui, ne actum agerem. Idolorum fana ac turres complures habet sane eximias hæc urbs, tum extra, tum intra moenia, quinque ex iis, reliquis nobilitate ac ædificiorum splendore præstant.

Fructus. Producit urbis hujus territorium optima poma, pyra, pruna, frumenti ac milii non parum, leguminum omnia fere genera, carbonem etiam pro lignis adhibent ex Kie monte effossum. nuces adhaec habet & castaneas, nec non ficus & uvas, ex quibus tam vinum non conficiunt.

Montes nobiliores. Ad urbis Boream partem est mons Tienxeu, in quo Imperatorum sunt sepulchra non sumptuosa minus, quam superstitionis, quatuor ab urbe leucas distat, ad hunc quia accedere non potui, sepulchra isthic non describo, quod faciam in urbe Nanking, illa enim vidi ab amico præfecto introduitus. Ad Barrolybicu[m] urbis Jociven mons est, in quo magnificum Ivenæ familiæ visitur palatum, quo æstatis tempore ad vitandos calores Imperator Tartarus se conferre solebat, prope civitatem Chang ping est mons Pefeu, ex quo duo torrentes ad pagum Feu concurrunt. haud ita procul Pa civitate est Nan mons, amœna duodecim stadiorum arundinea sylva conspicuus, in qua pulchrum est palatum recreandis ibidem animis destinatum. Ibidem Pu'on mons altissimus ac præruptus, varios attollens vertices, in unius summitate ingens est lapis, qui minimo contactu movetur ac titubat. Ad Jot'ien incipit Yen mons omnium maximus, & ultra mille stadia excurrit. Prope Jungjung est Chinquon mons, quadraginta stadia occupat, ad partem Australem quendam habet verticem, qui à lapidum discolori varietate flos dicitur. ad Çunhoa est Mingyue mons ita dictus à subterraneo specu, quo quasi perforatus videtur, ductu ita directo, ut ex adverso foramen ad instar splendentis Lunæ appareat. prope Pingco

sunt montes Kie & Siuvu, ubi carbo seu bituminosa terra educitur, quam loco lignorum pro igne struendo adhibent.

Yo fluvius in monte Jociven habet originem ex lacu Si ad montis occasum, cuius lacus magnitudo decem conficit stadia, inde influit in ipsum palatum Imperatoris, ac arte deductis mæandris totum palatum, hortos ac nemora rigat, variosque lacus efficit.

Lukeú fluvius, qui etiam Sangcan dicitur, ad Urbis Regiæ Notolybicu[m] transit, ubi magnifico subjugatur ponte, in quo pluri numerantur arcus lapidei.

Est ad montis Tienxeu Notolybicu[m] lacus ex novem fontibus ortus, qui numerus felix habitus apud Sinas Regiorum sepulchorum superstitionem auxit, inde lacus Kieulung dicitur, sive novem draconum.

Prope civitatem Cho est fossa longissima arte facta, Toc'ang dicitur, cuius aqua circum adjacentem amœnissimam regionem mire fœcundat.

Secunda Urbs

P A O T I N G .

Ingens hæc urbs territorium etiam habet peramœnum, rerumque omnium copia abundans: civitates numerat viginti. *Civitas.*
1 Paoting, 2 Muonching, 3 Ganso, 4 Tinghing, 5 Sinching, 6 Thang, 7 Poye, 8 Kingtu, 9 Jungching, 10 Huon, 11 Ly, 12 Hiung, 13 Khi, 14 Xince, 15 Tunglo, 16 Gan, 17 Caoyang, 18 Singan, 19 Ye, 20 Laixui: quæ omnes variis stellis ab Yvo attributæ pro varia, quam occupant, provinciæ parte: pars sub Vi, & Ki, pars sub Mao, & Pi esse censetur: tota hæc provincia sub eodem Yvo ad Kicheu pertinuit, vel ex eo sat nobilis, quod magnum illum belli ducem Regis Yen Loijum generit, de quo multa in epitome. Regum tempore Chao vocitata *Antiqua nomina.* est, ab Hana familia Sintu, à Sunga vero Paocheu, hodiernum notem imposuit Tai minga familia. antiquissima moeniorum ruderæ ad hujus urbis Notapeliotem visuntur, ab Imperatore Chuenhioo structa ante Deum natum annis bis mille quingentis: fana heroibus dicata habet septem, unumque Javo antiquissimo Imperatori. Laudatur potus hujus urbis ex oryza confectus, quem pro vino adhibent. castaneæ ibi laudatissimæ ac maximæ sunt.

Prope Huon est Yki mons, in quo *Montes nobiliores.* Imperatoris res,